

Oz è igl De digls dretgs
digl unfant



NOVEMBER

Igl De digls dretgs digl unfant

Tge calour on igls ties tgavels? Tge calour ò la tia pel? Ist te grond u pitschen? Sast te correr scu en leopard u tschaintas te ainten la soptga da rodas? Ist te en mattatsch u ena mattatscha? Tot chellas differenzas gioian nigina rolla. Schi te ast anc betg 18 onns, valan igls dretgs digl unfant er per tè. Els valan per tot igls unfants sen tot igl mond. Tge vottigl deir chegl? En dretg è ena tgossa tgi en unfant dastga far – ed igls carschias ston respectar e proteger igls unfants. Per far andamaint chegl dattigl igls 20 da november igl De internaziunal digls dretgs digl unfant. Igl 20 da november digl onn 1989 on numnadamaintg prest tot igls paeis digl mond sottascretg

la convenziun digls dretgs digl unfant. Chegl vot deir tgi els ston sa tigneur ve dallas 54 cunvignientschas. E per tè e tot igls oters unfants ègl impurtant da canoscher igls dretgs!

Cò tschintg dad els:

- Unfants dastgan deir, tge tgi els painsan.
- Unfants dastgan sa scuntrar cun oters unfants.
- Unfants dastgan eir a scola ed amprender, els dastgan cattar or tge tgi plai ad els e tge talents tgi els on.
- Unfants ston neir protegeas, per tgi nign fetscha mal ad els.
- Unfants dovrán taimp liber per giuier, els on er igl dretg da far art e dad esser creativs.

Tgi protegia tè?

*Tge dastgas te decider a tgesa?
Noua ast te da deir navot?*

*Sast te tgi te dastgas deir
adegna la tia opiniun?*



*Scu fissigl sch'igls unfants rigessan
igl mond? Malegia chel mond.*

*Tge dovrán igls unfants
sen tot igl mond?*

Gi aint igl liber

Preparaziun

1 Tagle or las cartignas cun igls pensums e fode mintgigna.




Ge giuador per far igl gi.

2 Pigle cun vusoters creidas e tschartge en plaz ainten en li sieir. Malage ena figura cun las creidas tgi ò tants tgozs, scu tgi vusoters vez cartignas cun pensums.

3 Mintga unfant teira en crap ainten la figura e schleia igl pensum tenor la cartigna tgi totga tar chel tgoz. Igl gi vo an roda, anfignen tgi mintga unfant ò schliia aglmanc en pensum.

Ideia: Igl unfants pon er inventar sezs dumondas.



Tschertga ava. Peglia ainta mang ella.

1

Dombra quantas tgaschas da brevs tgi dat ainten chella veia.

4

Vo exact 100 pass ainten ena direcziun. Noua reivas te?

2

Tschertga en banc. Ta tschainta e fò ena pôssa.

5

Dombra tot las persungas tgi te veist.

3

Totga treis fatschedas da tgesa da different material:

- lenn
- meir
- crap

6

Tschertga ena meisa e ta ruschna
sot chella or.

7

Dombra tot las fanestras tgi
te veist.

10

Tschertga treis tgossas:

- cotschnas
- blavas
- radondas

8

Vo sen igl ties li preferia.
Scu veigl or lò?

11

Fasche a sa zuppar. Igls oters
unfants sa zoppan. Te tschertgas
els.

9

Tschertga ena stgela da giats.

12